

BADUDI BA SWARTZ LE BYSWATER BA HOLEGA PROJEKENG YA KABO YA MOHLAGASE

Badudi ba tikologo ya Swatz le Byswater ba hlwile ba ingwaya ka lekomane lehono ge Meyara wa Masepala wa Blouberg Cllr Maria Thamaga a gotetša semmusho diprojeke tša mohlagase. Diprojeke tšeo di thakgotšwego dikgweding tše hlano tša go feta, di fihlile bofelong. Badudi ba go balelwa go 75 ba holegile morago ga go fetša lebaka le le teletšana ba sena mohlagase. Ba ke badudi bao ba dulago metseng yeo e katološitšwego (New stands).

Malapa a mabedi ao Meyara le khudu-thamaga ya gagwe ba goteditšego mohlagase go ona semmusho a filwe didirišwa tša go fapana tša mohlagase. E mongwe wa bona ke Shirley Tlouamma gotšwa Bayswater, yo a rothišetšego meokgo ele ge a leboga goba a kgethilwe magareng ga batho ba bantšhi bao ba itlhokelago.

Meyara Cllr Thamaga o ipileditše go badudi go hlokomela ditlabelo tša mohlagase le go ntšha mahlo-dinameng kgahlanong le batho bao ba shumishago mohlagase ka mokgwa wo e sebago wa maleba lebaka ele go tšhaba go lefa (illegal connections).

“Bao batla hwetšwago ba sharakantše mafarahlahla a rena a mohlagase, batlo timelwa mohlagase gomme ba lebana le kotlo ya diranta tša go feta dikete tše 10”.

Meyara o leboga gape ba meshate yeo e amegago goba ba kgonne go shomishana le bora-kontraka go tlogela mola diprojeke di thoma go fihlela di fela.